



晦齋集

~ 16  
2387  
2

卷







晦齋先生集卷之二

律詩 絕句

登前峯觀望 辛卯春以司諫罷還江鄉

雲收天際山如洗  
雨歇江頭草似茵  
景致千般誰獨  
管蒼山高處倚閑人

一抹清烟綠樹村  
千層濃霧碧山根  
望中奇勝添真  
興物外江山亦 主息

明遠樓送崔判官換歸尚州

霽景千山晚危樓  
二水潯登臨聊縱目  
離合且開襟  
五載為民意三盃送別心  
秋清應赴洛江海詎重尋

2387  
卷之二



遊佛國寺次估畢齋韻

俯仰乾坤大道遙雲水重為魚探一妙泉石傲千鍾  
殘夜月華吐清晨嵐翠濃十年尋舊隱衰鬢愧髮鬆

澄心臺即景

臺上客忘返巖邊月幾圓澗深魚戲鏡山暝鳥迷烟  
物我渾同體行藏只樂天道遙寄幽興心境自悠然

次魚子游壁上韻

坐看山光變紫藍幽栖偏覺一瓢甘道遙遠涉清真  
界雲盡天空月印潭

孤松相伴倚潭臺山晚幽禽自去迴勝景人間那有

此恠他遊客不曾來

謝金威丈嗣山中見訪

幽棲樂靜遠塵機澗古林深俗迹稀半日閑窓陪杖  
屨滿山嵐翠亦增輝

贈友人

幽襟無成愧古人半生鶻突走風塵探真賴有林泉  
勝不覺清霜染鬢新

病生轉情終離道心苦提防遠聖賢那似靜中存妙  
體從容真樂自天然

親老何嫌仕為貧窮通由命不由人官閑須著鍊丹



力要獻君王壽我民

復用賢字韻別寓遠送之懷

強矯多君志業專潛心經訓慕前賢虛懷處世要沉  
晦存道由來貴闇然

山中次友人韻

翠微萬疊深紅日半山陰對客雲生檻接琴風滿林  
清溪秋欲到白酒晚相斟多謝松門訪慇懃細話心

新雪

新雪今朝忽滿地恍然坐我水精宮柴門誰作剡溪  
訪獨對前山歲暮松

探道年來養性真爽然心境絕埃塵誰知顏巷一簞  
足雪滿溪山我不貧

早春遊山壬辰

公路潺湲聽更新喜看林壑已回春幽居俯仰探玄  
化萬紫千紅目擊真  
曲曲清溪繞石流尋花問柳興難收世人不曉林居  
樂應笑巖邊下築幽

次南士渾韻

洞天幽遠鎖烟霞相訪知君故意多却將十載塵寰  
事話到西巖月半斜



已將身世落雲烟乘興逍遙境外天敢擬巖巖蘇旱  
雨一溪風月最堪憐

南詩有空飲隋川舟  
揮手之語故及之

次金彥叔韻

杖藜尋壑帶山童林下蕭然一野翁款款情懷十年  
舊自多生世與君同

江上贈同遊諸君

山爲屏障草爲筵滿目平郊霽景鮮試問塵間揮汗  
走何如把酒坐江煙  
湖山清興浩無邊又值鶯花四月天誰喚幽人碧溪  
畔一尊留與賞風煙

山中贈別

夜靜虛堂萬念灰坐看巖上月徘徊怡神喜有溪山  
邃補袞慙無魏陸才淵源似海迷涯岸軒冕如雲任  
去來珍重相知只相保休將襟抱向人開  
一卧雲林世界輕卜居從此老巖耕回頭萬象渾無  
碍舉目羣峯揔有情日出蒼旻昏霧霽風微碧海怒  
濤平清高境界稀塵迹對榻何時眼更青  
散步雲泉病脚輕滿山紅樹盡秋聲盈虛誰識一元  
妙榮悴聊觀萬物情真樂便從閑裏得靈源端向靜  
中明年來世慮都消遣只把幽懷寄遠行



重陽後一日臨溪對酌

九日登高已負期不妨臨水強傳卮金錢滿地芳堪  
摘錦障橫郊晚更奇酩酊歸時宜帶月逍遙樂處且  
題詩人間勝景無如此此日年年玩綠漪

挽鄉友

十年遊宦困塵籠三徑歸來鬢半鬆里閨蕭然諸老  
盡江山依舊與君同盃搏款款烟橫野談笑依依月  
上峯此會香花今已矣憶君何處更相逢

偶吟

聞朝廷以術業人事選錄朝臣曰經術  
詞章吏文漢語醫術地理音律寫字

種學辛勤鬢欲華生平事業竟如何十年用力明誠

地却愧無名預八科

壽母生辰次友人韻癸巳

堂上慈顏鶴髮垂小軒今日壽筵開蒼松翠竹千年  
色共帶春風入酒盃

醉成謝殷佐開筵勝境見邀

鄉老輩亦來預

落照明霞映白尊慙慙携酒送殘春黃巖綠水渾依  
舊素髮蒼顏盡故人  
性僻由來愛水山每逢佳處便忘還開筵勝日知君  
意細酌聊成半日歡

次殷佐韻



野鳥弄清晨巖花殿晚春一樽臨碧澗幽興屬閑人

病起登詠歸亭

病起林亭望遠峯蕭蕭兩鬢又秋風眼中景物隨時  
換山下流川浩不窮  
雨歇平郊霽景新雲山滿目慰閑人人間苦厭多喧  
競舊隱溪山入夢頻

山堂聞琴

夜靜憑闌思浩然我洋堂上動林泉鯤鵬擊海三千  
里鸞鳳鳴岐五百年入院清飈來翠竹滿山涼月帶  
啼鶻春霜世慮都消遣斗覺曾襟本體全

次翰林學士王先生哭文丞相韻

三百宗坊翰海窟孤忠向址獨何之天昏慷慨扶舟  
日雲暗從容就市時大節已從衣帶決丹心留取古  
今知山齋寂寞披青史揮涕聊題吊古詩

挽成文金訓道字嗣

山澤猶存節廟志襟懷聊共野人開垂竿未遇文王  
獵伴月時傾太白盃種竹成林驚歲晚栽花滿砌喜  
春回莫言事業無傳世齒德生榮死亦哀  
功業平生萬卷書烟霞送老一茅廬琴碁得趣貧無  
恨畎畝忘形樂有餘勳烈縱無垂竹帛德音猶足範



鄉間人已物是增傷悼喬木依然擁舊居

齒德俱尊鄉里敬陪隨杖履自髫齡十年從官頻還  
往一棹臨溪幾送迎故老凋零山獨在村間索寞月  
空明傷心獨立無窮意脩竹依依繞舍青

挽南進士世豪

南為賊所戕而挽之

獨把瑤琴少解音感君相訪到雲林慙歎禪榻一宵  
夢冷淡費齋十載心禍福冥冥天莫詰幽明慘慘怨  
空深平生契約終難遂未諫今朝涕滿襟

山亭即景

甲午

幽鳥弄春春更靜游魚吹水水生紋無心情樂無人

會竟日憑軒伴白雲

川上敬次朱先生韻示同遊諸子

滿目湖山霽景新浩然天地一閑人蒼波白鳥供真  
興更有流鶯喚晚春

溪畔閑行步步遲獨憐明月印澄漪芳洲日暮忘歸  
去波面清風細細吹

初夏野興

野水潺湲流不盡幽禽款曲向人啼閑吟閑步仍閑  
坐十里江郊日欲西

林居即事



一卧雲林歲月流晚來乘興步林丘石田種豆蒿菜  
茂碧樹蟬聲已帶秋

哭金兵使振卿

解

神交一世似填筮離合升沉志不移尊主庇民君有  
術樂天知命我何疑芳春海曲同舟日炎夏樓頭對  
月時此會渺茫今已矣憶君無復見風儀  
磊落英姿照士林愛民憂國見丹心清風惠故人感  
慕瑞鳳靈芝世共欽受鉞已愁虛補闕斷絃偏慟失  
知音他年遊歷伽倻下宿草猶應涕滿襟

秋日登高望遠憶三友金振卿

千里雲山望欲迷故人遙憶洛江西一生襟抱憑誰  
說滿目秋光更悽悽  
去春來訪竹林村款款情懷酒一樽別後茫茫消息  
斷此生無復叙慇懃

山行即景

馬上長歌梁甫吟人間無處可開襟蒼茫歲暮千山  
瘦嗚咽泉鳴一路深半世崎嶇多涉險萬方休戚尚  
關心公溪日晏通平坦十里漁村月滿林

栢栗寺謝友人乘雪夜訪

雪天山夜喜君來把酒憑闌更快裁天地中間興無



畫笑他王子到門迴

日出雲收眼界開  
登樓對酌穩談懷  
休言駭客浚生  
活雪滿千峯酒滿杯

林居十五詠乙未

早春

春入雲林景物新  
澗邊桃李精神色  
鞋竹杖從今  
始臨水登山興更真

暮春

春深山野百花新  
獨步閑吟立澗濱  
爲問東君何所  
事紅紅白白自天真

初夏

又是溪山四月天  
一年春事已茫然  
郊頭獨立空惆  
悵回首雲峯縹緲邊

秋聲

月色今宵分外明  
憑欄靜聽已秋聲  
高音一曲無人  
會鬢上霜毛四五莖

冬初

紅葉紛紛已滿庭  
階前殘菊尚含馨  
山中百物渾衰  
謝獨愛寒松歲暮青

悶旱



農圃年年苦旱天  
邇來林下絕鳴泉  
野人不識幽人意  
燒盡青山作火田

喜雨

松檜一夜雨聲紛  
客夢初驚却喜聞  
從此青丘無大旱  
幽人端合卧巖雲

感物

十筴雲泉歲月深  
手栽松竹摠成林  
烟霞朝暮多新態  
唯有青山無古今

無為

萬物變遷無定態  
一身閑適自隨時  
年來漸省經營

力長對青山不賦詩

觀物

唐虞事業魏千古  
一點浮雲過太虛  
蕭灑小軒臨碧澗  
澄心竟日玩游魚

小亭

喜聞幽鳥傍林啼  
新構茅簷壓小溪  
獨酌只邀明月伴  
一間聊共白雲棲

獨樂

鄰群誰與共吟壇  
巖鳥溪魚慣我顏  
欲識箇中奇絕處  
子規聲裏月窺山



觀心

空山中夜整冠襟一點青燈一片心本體已從明處  
驗真源更向靜中尋

存養

山雨蕭蕭夢自醒忽聞窗外野鷄聲人間萬慮都消  
盡只有靈源一點明

秋葵

開到清秋不改英肯隨蹊逕闢春榮山庭寂寞無人  
賞只把丹心向日傾

送李進士乙查向洛

春深回首碧江頭浩氣聊同大化流萬物得時皆自  
樂一身隨分亦無憂愛君溫雅才超衆愧我摧頽鬢  
滿秋獨抱瑤琴相識少別來誰與共尋幽  
君歸遊泮謁先師忠敬應須好自持軒冕如雲道義  
重只求心得不求知

病中書懷寄曹容叟

五載優游只樂天林泉烟月送殘年經綸志業終無  
用珠泗源流喜有傳學道未成身欲老觀書久廢病  
常纏何時暑退沉痾去携酒臨江償夙緣  
雲上於天湛宴樂誰知君子困中亨人間萬事渾無



念只願秋來病脚輕

優游湖海自堪娛世慮如今似雪爐待得神清真氣  
泰一身還是一唐虞

樂天

乘興逍遙展眺遐暮天雲盡碧山多茫茫宇宙無終  
極俯仰長吟浩浩歌

兄山江上

湛湛江水本來清雨歇今朝濁似涇萬古不隨清濁  
變巍然江上數峯青

江上對酌偶吟示座中諸君

水清沙白浩風烟把酒臨江思渺然滿座親交俱半

百同遊追憶廿年前

清江落葉正紛紛野菊凌霜獨自芬得趣只應隨分

樂世間醒醉不須分

沙頭歲晚對芳樽萬類榮枯本一尤入眼雲山俱物

外滿江風月亦君恩

記夢

乙未冬十月十一日余在山莊夢入侍  
便殿天顏溫粹慰籍頗厚臨退余獨

進俯伏上前啓曰臣有病母速在不得久  
留朝行將辭去上悵然執手有眷戀之意余  
仍啓曰古人云靡不有初辭克有終願殿  
下懷終如始則福祿無窮矣上怡然嘉納  
遂再拜而退忽覺身卧山房涼  
月滿窓起坐憮然遂書二絕



夢入君門侍燕閑披襟啓沃近天顏覺來依舊  
空山卧窓外蕭蕭月色寒  
優游山海樂雖深皓首猶存報國心咫尺溫顏  
獻忠款感通還自愧商霖

偶吟寄容叟

丙申

郊頭耀目盡春葩遙賀吾兄體氣和萬事人間都  
安不妨頻約玩清波

曲江倅宋君天章設壽酌以書見邀有疾未  
赴書一絕以謝

開筵遙想壽萱闈一色爭看戲彩衣病客怯寒空縮

首不堪東望但嗷唏

謝宋天章臨慰壽席

知心那作世人顏曾兩衝泥不厭艱春入北堂猶冷  
沁感君相訪助情歡

奉次李府尹賢輔宴族親韻

只把仁慈撫四封蒲鞭風化已雲通葭葦為設同庭  
宴菴艾爭觀十里空貴賤懸殊元一脈親疎雖異揔  
聯宗祖先餘慶今方見飽德尊前盡感衷

送李府尹親老辭職還鄉

軒冕羽輕忠孝重能知輕重世無人青春連佩八州



印華髮猶存百歲親此去戲班心更展他年投釣道  
應伸堂開愛日人咸慕駐景椿庭信有因  
吏散庭空鈴閣靜時同野客樂尋幽登山臨水千年  
恨戀闕思親兩地愁所膾每期紅葉開襟曾上碧  
松樓叨陪遊賞今難再一別悠悠隔幾秋  
浩然歸興挽無由魂夢先尋某水丘入望白雲猶帶  
喜逢春黃葉揔含愁烟霞境外探玄化功業人間賚  
大猷會合塵寰那得料莫辭臨水更淹留

知非吟

今我行年未五十已知四十五年非存心却累閑思

慮體道安能貴顯微為義為仁不用極處人處已又  
多違從今敬慎忘身老寡過唯思先哲希

謝宋天章惠松蘿海鮮

嘉貺頻頻無水陸誠心老老似君誰村厨久闕珍鮮  
味鷓髮今朝喜上眉

天章來訪山齋僕適出不遇詩以為謝

吏隱知君有雅襟抽身時復訪雲林主人適去山無  
路獨對寒松伴月吟

遊密谷寺

遊賞雲泉廿載前重來雙鬢已蕭然溪聲岳色渾依



舊懷抱如何異少年

野亭對酌丁酉

十里江郊日欲斜一樽相對費吟哦  
青山白酒年年好芳草清風處處多

山中喜晴呈府尹李公棐仲

一氣無私萬物春青青庭草雨中新  
民和政簡鈴軒靜時有瓊章寄野人

苦雨連旬已半春今朝晴景喜清新  
閑吟獨步尋幽澗野柳山花揔可人

挽徐訓導道

鶯入新年語花開滿故枝物衰還有日  
人逝返無期抱怨重泉暗銷魂諸友悲  
行修罹禍酷天道邈難知

又

無妄禍難測叶天天漠然親朋心共破  
行路涕還漣雲慘公山路風悲二水邊  
平生遊賞處唯有月娟娟齋菴次過容  
壁上韻

懷珠未遇易中顛閑適林泉歲月遲  
獨抱聖經消永日孔墻高遠尚難窺

齋舍次友人韻

多謝諸君佩酒來一軒相對穩開懷  
莫嫌歲暮山光



淡春色先從面上迴

到浩然家

歲暮溪山幽興多西行信馬到君家  
天寒百物無顏色獨愛凌霜菊有花

次大鵬韻

澄潭勝日喜同臨源遠軒前更淨深  
伴月逍遙朝復暮白雲巖上共無心

山中別李學錄圖南

別後憑欄山更靜清溪鳴咽有餘情  
松間忽見水輪蹄羨爾能兼兩地明

奉送許府尹敬之還洛

曾逢大椀十年前又受仁恩儘有緣  
野性已成耕釣計別懷今日浩如川

足聯句

江沉山影魚驚遁峯帶煙光鶴怕栖  
物塞固宜迷為妄人通何事誤東西

魚疑出陸而驚  
鶴疑入網而畏



晦齋先生集卷之二

晦齋先生集卷之三

律詩 絕句

丁酉冬上路贈鄉友

十一月 金安老 跋死十  
二月 承 召命 赴闕

陰盡陽迴萬物春 強將衰朽入紅塵 莫言輔主無才

調一片丹心老更新

行路遲遲更小留 依依烟景舊林丘 寄言猿鶴休驚

怨投絃還山未白頭

玉堂入直次宋眉叟韻

茂成

半生漁隱碧江隈 長伴沙鷗自去來 豈意白頭經幄  
侍又逢青眼繡襟開 禁林共玩嬋妍月 蓮閣時傾漱



灑盃珍重更加調攝力 聖朝方擬濟川才

舟中即事

細雨秋江曉渺然 江水平濛濛烟樹遠 點點沙鷗明  
一路開清鏡 兩邊列畫屏 巖樓瑤草綠 石戴稚松青  
雲斂天看碧 霧消山露形 五雲勞北望 雙鯉寄南征  
灘咽舟偏駛 人閑山自行 飄飄如羽化 渺渺訝登瀛  
誰弄桓伊笛 如聞子晉笙 百蟲依草咽 雙鷺近人驚  
清空寓真趣 塵土斷幽情 見塔心還爽 瞻軒意自清  
清遊嗟不暇 登眺又無名 擊棹依依逝 回頭隱隱聲  
片帆依渚疾 孤鷺入雲冥 群嶺東南隔 殘山西北橫

尚愁灘石險 幸免晚風癡 洶洶萬波亂 搖搖一葉輕  
身安自妥帖 心靜不危傾 備歷工艱礙 閑探萬景呈  
高懷薄雲漢 清興滿襟靈 身入蒼州月 神迷赤陸冥  
何時趨 御幄咫尺侍論經

題迎志院

今古新官避此路 我行唯覺坦而夷 欲將道畔蒼苔  
石斲作千秋破恠碑

寄舍弟子容 已亥秋在全州

一輪月長共千里 夢相隨 旅鴈分行久 鄉雲入望飛  
林泉懷舊隱 霜露起遐思 秋盡方歸省 荒山宿草垂



寄子容 以全州尹承召命赴洛

南望千山雪址來兩鬢斑  
慈闈異鄉滯遊子旅懷酸  
歲益愁多緒天寒寢未安  
何時含箸笏歸侍一堂歡

題陽智東軒呈主人權使君 庚子二月向南

小縣依山麓蕭條十室殘  
種花探造化引水弄潺湲  
境靜人烟少庭空野馬閑  
分憂得賢倅民物揔生歡

竹山路上

竹館春宵短青郊朝日遲  
塵埃勞病脚湖海展愁眉  
鳥嶺南天半雞林東海湄  
故園花落盡遊子負歸期

驪州路寄舍弟 三月向洛

公路芳春百物榮我懷緣底苦  
難平客愁不逐江烟散  
幽恨紛如野草生鶴髮頻揮憶  
遠淚鵝原又喪哭兒明此行已  
決歸休計軒冕如今一羽輕

龍安驛早發 秋向南

曉日昇寥廓十巖烟霧消  
愁看鳥嶺峻眼入海天遙  
濃淡山容變行旅鬢雪飄  
歸田計未遂南北一身勞

先君諱日在洛寄舍弟 辛丑

身在洛城遇諱辰感時追遠涕  
霑巾遙知家廟君孤省堪嘆羞  
觴我獨陳趨庭遺訓猶存耳  
裏藥悲顏似隔晨此日難堪遊  
楚慟便思投紱奉孀親



夢見亡姪元慶庚子春在湖南病逝

一訣長違已隔年  
幽明殊境兩茫然  
孤魂飄泊將何  
托此夜分明未了緣  
旅夢遠迷湖外月  
英靈來入漢  
邊烟相尋知汝情  
難泯握手哀號欲問天

次寄舍弟

青燈空館照孤心  
憂世思親此夜深  
軒冕如雲歸思  
苦春來幽興自難禁  
久違親側聽無聲  
梅塢春深已落英  
恠我逢歡歡更  
少知君遇景涕還零  
門衰無計慰慈闈  
積善須知是福基  
報國微誠查

炷嘉君晨夕日忘疲

次李進士定之韻

五載酸辛飽世味  
怡愉數月侍親庭  
人間至樂無如此  
此外浮雲非我榮  
暮年強健保天和  
吹面風烟樂不窮  
義皇上客吾兄  
是觴咏朝朝小檻中

今春不雨大無來  
又聞西疇少插秧  
自愧空疎忝侍  
從凶年無術撫流亡

謝李仲卿送櫻桃酒餅時寓縣館

含精箇箇染砂紅  
珍美真堪薦廟中  
嚼來頓覺眠魔



道午枕無緣夢周公

久旱今年春復夏逢人畎畝抱愁容朝來霖霖新霑足笑酌村醪慰客中

團團白餅滿筒香旅榻細啖偏識味何緣得此數千斛散與飢民俱不死

送權景通以千秋使赴燕京

同朝何幸又同襟送別樽前萬里心秋晚關河添客興夕陽臺觀費幽吟五雲閭闔燕天杳白代衣冠舜化深多羨遠遊收拾富自慚龍鬣雪盈簪

風度推君瑞世英青春銜命再朝京遙知彩鳳初庭

峙應使華人共目傾地迥剩探千古勝月明兼照兩

鄉情憑君莫恠求真訣授彼他年學養生

龍安郵館別舍弟

仲冬舍弟辭職歸侍遇於郵亭

相逢江館烟霞晚慘別忽忽兩惘然烏嶺南瞻插天際漢山西望隱雲邊悠悠去住難消恨草草功名苦被纏何日休官湖海去春風舞彩戲樽前

在洛寄舍弟

壬寅

平生狂被虛名誤遊宦多年戀故林臨鏡頻驚髮鬢改寄書難禁別懷深喜君投絃承親志愧我磨官拂素心忠孝由來無二致恐虧天畀日思欽



多病年來鬢添雪夢魂夜夜繞園林望雲眼共南天  
遠愛日情同吐海深齟齬未酬經世志怡愉徒切奉  
親心思歸軒冕輕如羽未暇都俞輔舜欽

寄舍弟

莫嗟心事苦蹉跎得意還朝鬢未皤芥視功名侍親  
側如君誠孝世無多  
平生志業幾蹉跎重入天官鬢已皤報國無階慚薄  
劣望雲歸思入春多

次舍弟韻

還家中夜夢初成忽覺依然卧洛城落盡山花歸未

得樗材還愧玷華清  
親老未歸計未成金章那似倅殘城平生心事多違  
阻却恨虛名徹穆清

贈別舍弟

遠送山亭鶴髮垂尊前恐涕潸然時去留是日情無  
盡况乃音書別後稀  
士生唯貴善名垂伸屈榮枯自有時順志辭官人共  
慕能知輕重似君稀  
慰親留別強登峯百里山光滿眼濃去住魂消天欲  
暮遲遲驅馬恨纏綿



客中次舍詩韻

宦遊那禁白雲思  
鷓鴣朝啼愧少施  
鏡裏只添雙鬢  
雪自嗟遲暮病相隨

雲山千里隔  
堂庭遠宦何能一刻寧  
投絃喜君留定  
省為祠為養樓亭

登水回村松巖

携朋探勝引詩鈞  
竹杖尋幽興未收  
白石半苔臨水  
曲若松碍日老巖頭  
烟霞道畔凡界塵  
主人間別  
一區境外道遙聊  
竟多箇中收拾富於周

溪邊送別

秋來幽夢斷紅塵  
白鳥蒼波興轉新  
一簑行裝殊淡  
泊短琴風韻更清真  
浮雲任却開舒卷  
游氣者他謾  
屈伸唯有別途無  
限意樽前談笑暗傷神

洛中得舍弟書

壬寅臘月舍在中書齋所得  
鄉音愁喜交并竟夕不眠

鴈聲今多客中聞  
千里晨昏獨倚君  
一字萬金愁暫  
破二更三點夜將分  
羈懷耿耿頭催白  
聖訓悠悠眼  
欲昏  
歲暮天寒歸思切  
已將軒冕擬浮雲  
二十年来倦遠遊  
自嗟衰晚未歸休  
林神魂一夜分  
南  
北  
聖寵慈恩兩未酬

設壽酌次舍弟韻

癸卯



遠宦何能一日寧  
簪纓不識世間榮  
春風舞彩多傷感  
鶴髮今踰七十齡

踏青

故國春深花正繁  
遊人簫管滿城喧  
林林動植俱歡適  
誰識乾坤雨露恩

暮春遊山

雲山白首愧重尋  
烟景依依認故林  
滿眼桃花春欲暮  
一樽臨水費幽吟

春日登亭

春深碧草遍郊原  
俯仰聊探萬化源  
謝盡千紅無一

句誰知真樂在無言

贈別舍弟

今朝堂上慘慈顏  
游子臨離暗涕潛  
此日情懷殊罔極  
我行唯欲未秋還

鶴髮登亭望遠行  
悠悠無盡去留情  
故山漸遠頻回首  
山路冥冥日欲傾

聞慶客館次舍弟韻

未盡三春膝下歡  
夢殘山館亂愁端  
簪纓恠我長離側  
叔水多君善慰顏

次聞慶小軒國卿韻



碧雲低入澗幽澗細通池靜會忘言趣  
沉吟不在詩  
中原訪長吉不遇

為訪幽棲江上村依依垂柳護柴門  
幽人不見山將晚  
滿眼煙波空斷魂

舟中即景

清曉雲收鏡面清微茫列岫漸分明  
峯頭紅日遲遲上  
巖底幽禽款款鳴

萬點青山一水橫數聲簫管入空明  
風生波面鱗鱗細  
雲散遙空片片輕

霧盡風殘水似天一江烟景正悠然  
擡頭漸喜長安

近三角崢嶸五雲邊

贈小第八月拜本道監司還鄉

蕭蕭華髮映青山故國猶榮建節還  
遊宦幾年勞遠夢  
觀風是日慰衰顏

秋晚高堂鶴髮明臨分不忍兩傷情  
自慚塵世長離側  
喜汝投簪一羽輕

寄舍弟

咨詢湖海值清秋  
衰晚猶存進退憂  
感君愛日投簪紱  
憫我違心強遠遊

次澄心軒韻



蕭蕭華髮映江流一落塵籠度幾秋  
追憶舊游年正少依依雲物使人愁  
心似澄潭靜不流坐看萬物自春秋  
簪纓歲晚輕如羽只有江湖戀闕愁  
樓下清江日夜流不隨山色變春秋  
登臨半日生真興物色還添感古愁

嶺南樓宴日本使臣受竺東堂書以贈別

秩秩賓筵禮少愆湖山佳興更悠然  
千尋鯨浪勞舟楫百尺樓臺開管絃  
兩國歡娛憑信札一樽襟抱付詩篇  
莫言嶺海分區域稟賦元初本一天

次盈德東軒韻甲辰

歲窮衝岷雪春早抵邊城天共滄溟闊  
風和晚雨清寒雲變遠出飢鵲噪空庭  
夜久軒窗靜唯聞鯨浪聲

又

春光回絕徼煙景慰愁人紅入朝霞爛  
青歸野柳新塵寰厭未謝蓬島望難臻  
後後驚衰晚南遊戀紫宸

踰泣嶺

歷盡闡干峻方通地步夷雲重山隱顯  
谷轉路逶迤松檜送風日英靈護險危  
陽明邪自遁何用強名碑

次都事泣嶺韻



明齋集卷三  
閑道群仙海上居含情悵望倚觀魚三洲縹緲迷煙  
霧萬頃蒼茫蘼蕪碧虛擬遊汗漫乘黃鶴轉向巉巖策  
困驢回首天東無盡意斜陽駐馬更班如

次都事韻

春光猶寂寞雲日乍晴陰病眼山堪對衰容鏡懶臨  
世情曾厭薄真境欲窮深遲暮愁原隰詩畫員宿心

又

梅綻春將半雲來山更陰風烟飽探討樓觀倦登臨  
愁向樽前破歡從幕裏深清宵獨不寐殘月照孤心

書李知事愛日堂

疊石構亭臨水曲天成佳勝付幽人聳巖境爽非凡  
界愛日情深見性真景晏郊頭青幕幕風生江面碧  
鱗鱗陪歡半日聞清味款款心盃不厭頻

次北川早春韻在高山

南來跋涉遍山川白首咨詢志未宣世遠軒虞風不  
復琴希洙泗韻無傳千林得雨合生意四野逢春少  
惠鮮未識化源勞簿領有時臨水靜觀天

次一善東軒韻

養真經世兩無成詩節南州鬢雪明路入溪山多得  
趣春深臺觀少纓情時清只願存三鑑親老還思乞



一城探化雲林心慕古半生端悔役虛名

白場寺吟得二律錄呈眉叟求和與宋眉叟約會此寺

碧澗黃巖步屐新騰身幽討意殊真似投簪紱歸山  
日如八桃源失路人青眼幸同傾綠醕白頭還怯踏  
紅塵平生此會知難再別後應傷兩地神  
青燈一夜共雲泉晚景相逢轉惘然韻斷韶鈞風不  
變波殘瀛洛語空傳安危八念頭催自得喪忘機道  
自全聚散人間無定態且須臨水細論天

敬次惠韻

眉叟

嶺上春風物色新尊前笑罷道吾真夢驚西省違

鸞殿心折南關隔美人談話偶留孤寺榻曾懷為  
說十年塵江湖未散憂天下前席何須說鬼神  
思歸苦說舊林泉把手相看却悵然大道欲聞嗟  
我晚斯文未喪要公傳靜觀只有禽魚樂達識何  
論木雁全基局已知人世理休將萬事問蒼天

遊白場寺又得尋字錄奉眉叟使軒

一區烟水偶同尋十載真襟半夜深青眼燈前驚曉  
磬白雲巖底聽幽琴客懷渺渺山將晚溪柳依依日  
易陰歸路吟鞍無盡意舊遊回首隔重岑

敬次

眉叟



一春梅柳共君尋古寺蕭條客意深誰遣春樓飄  
鳳吹翻教石室弄胡琴溪邊細草移厨晚天際輕  
雲接水陰幽興未衰分手去迢迢歸路向遙岑

奉呈嶺南方伯行軒求和教

眉叟

蕭寺相逢度春風欲暮時燈前青眼舊客裏白頭  
悲盡意添杯杓驚心忽別離二南同見月千里片  
心知

奉次

白首對尊酒青春餘幾時雨晴看柳喜風急惜花悲  
大化驚消長塵寰有合離我澤心上妙絃絕少人知

再和眉叟韻

君子羞談命寧論時不時關心皆至樂入手或深悲  
世道自澆薄民生久滋離他年同草木誰取姓名知  
更步前韻寄眉叟

嶺海淹留且食新迷方何處可尋真獨將詩酒酬時  
俗兩廢公私負古人月白軒窓無夢寐春深京國少  
音塵坐忘世事誰非是賴有清風與會神  
試見涓涓始達泉吾心近取信同然萬殊縱向鳧魚  
著一本難從說話傳多事豈知徒用智無爲誰識是  
未全高吟几案風來晚回首梧桐月到天



高樓岌岌壓千尋  
檻外春江雨後深  
風日好時相送  
酒簿書稀處  
獨鳴琴  
歸心直與長天遠  
爽氣遙分綠  
樹陰世界  
此中真廣大  
卧看飛鳥沒煙岑

次嘉石小軒韻

澄潭靈鏡一般清  
靜夜虛窓睡不成  
俯仰浩然無點  
累獨憐山月滿江明

次浣紗樓韻

歷盡菁川路  
更西臨溪  
還憶故山溪  
白雲東望鄉關  
遠滿眼  
殘春意  
轉迷

次青溪堂韻

坐對晴巒日欲昏  
竹林深處暝鴉喧  
江城吏隱真吾  
願白首名途強意奔

奉呈晦齋道契

灌圃魚子游

曾看紫玉山中好  
公作書堂為此溪  
今日英靈却  
驚怪生曾不見駭雞犀

混沌溪山客  
我老青年住此白  
烏頭世人皆識吾  
貧鬼萬斛煙霞富可羞

奉次惠韻

自知踈懶合幽栖  
卜築由來愛紫溪  
捐彈始悟忘心真  
鵲處世猶嫌照水犀



多公早占溪山勝投紱清朝未白頭自嘆平生心事  
謬養真經世兩堪羞平生有志兩事今俱未遂豈非可羞耶

固城溪邊

綠水黃巖懷舊隱臨溪駐節便忘歸雍熙世遠無由  
挽白首驅馳心事違

舟中謾興自巖川舟行到宜春

衰年倦險途春晚泛清湖新綠千山遍殘紅一點無  
蘭舟蕩風浪漁棹混笙竿世路希平坦何方安此軀

次河東東軒韻余巡到海微適值風雨夜作竟夕無眠不勝感關憂時之

念聊次板上  
韻以寓懷云

旌節搖搖歷海壖自慚衰白未歸山咨詢半歲無毫  
效却羨銅章隱小官

風雨蕭蕭燭影微客窓中夜獨傷時天涯襟抱憑誰  
展耿耿丹衷只自知

送亨伯歸省

知君到此近庭闈聞聖方勤詎忍違自歎遠遊多曠  
省明朝移節又西歸

具慶堂前麗景遲滿庭蘭樹正芳菲遙知勝日開筵  
處萬點飛花繞彩衣

送李都事天啓拜持平赴召



按盡天南鬢雪新開襟猶喜見心真芳辰同樂無多  
日暮境相知有幾人自慚晚節渾隨俗獨愛清標不  
混塵臨別惟將一言贈須從消長審幾神  
多君風度靜而溫嶺外同遊有數存浩浩襟懷宜遠  
矣紛紛離合不須論丹忠前席敷民瘼白首無階報  
主恩心折五雲迷北望月明千里更消魂

贈別亨伯

九重思謹論千里召公歸消長須存戒安危更審幾  
匡時須正直臨事莫依違家鉞留青史寧論世是非

山中次子容韻

幽棲養性慕前賢卜築巖邊愛石泉遊世不成蘇早  
雨還山重聽叫雲鷓心源澄寂室生白地界清高夜  
少眠縱意逍遙涉真境一溪烟景更悠然  
濟濟清朝萃衆賢儘教踈懶卧林泉山空只伴松間  
鶴月白時聞峽裏鷓手弄潺湲滌煩想耳驚蕭瑟罷  
幽眠心閑境靜饒真興竟日無爲樂自然

挽金府尹

桂籍儒仙姓字馨羽儀朝著振英聲期頤共擬同鄉  
老事業誰知止亞卿君失忠良天奪鑑民懷召杜雨  
露旋雞林一望雲煙恠他日相思空典刑



風雲際會儘應時器宇巖峩廟堂黼黻主猷忠不  
展繡縫衣闕志猶期望雲喜得東城春持節還添去  
國悲豈知忽罷南柯夢堂上猶存鶴髮垂

次子容韻

丁寧 天語眷痾臣報國情懷幾日伸遲遲嶺外星  
霜變為有高堂八十春

歲暮吟

歲暮天涯病未蘇形容還似澤邊枯似聞北極開  
新主輔弼諸公盡道無

乙巳春二月輿疾將赴中宗山陵之會

中路病重停行留永州容館遇先君諱日主  
人為設奠具而氣困未得行禮揮涕書示主  
人

抱病江城值諱辰那知是日負君親 賓天杳杳  
攀無路慕遠茫茫涕滿巾殊寵未酬千載遇哀辰又  
欠一杯陳平生忠孝今俱闕罔極情懷竟莫伸

次舍弟韻

晴窓竟日對梅兄又見溪山萬樹榮鶴髮生歡兄病  
去知君此日慰安誠

送仁甫出按關北



懷痛殘年愧忝叨羨君持節近風謠平生正學遭時  
展千里妖氛望氣消萬卷游心塞外靜五雲回首日  
邊遙北門鎖鑰雖宜重虜使猶嫌不在朝今春病  
宗義引時未及奔哭常以  
為終天之痛故首句及之

仁宗挽章

春宮潛德本謙虛睿性全成養正初道著修齊仁是  
宅功深精一敬為輿龍飛始慰臣民望雲盡俄驚劍  
寫餘白首酬恩寧復日丹心空作血霑裾

在山堂寄舍弟丙午

愁邊志氣度殘春暫別萱庭恨轉新踈雨滿山天欲

暮依依去住共酸辛

緜暗紅殘已盡春清和光景滿庭新溪山幽靜渾如  
舊世味象蟲久厭辛

丁未元朝有感

春秋五十七知命又知非鶴髮年垂耄孤臣數亦奇  
天時雖過養人事未離曠舉世無相識蒼蒼獨我知

書鏡吟

觀書正吾心照鏡整吾貌書鏡恒在前須臾可離道  
丁未重陽舍弟請設壽酌書示二絕

賓天奄忽隔三秋白首累臣淚未收千一休期如一



夢群黎是日總悲愁  
無路攀髯又度秋  
窮天遺慟渺難收  
黃花壽酌那堪  
設法自溪山慘帶愁

晦齋先生集卷之三

晦齋先生集卷之四

西遷錄 律詩 絕句

郵館別孫熙遠 丁未閏九月廿七日在新寧

君向桑鄉我北去  
茫茫此別涕空潛  
萱闈數日遠溫  
清魂夢須臾十往還

清秋皎日上蒼峯  
直照孤臣一片衷  
八千嚴譴 君

恩重知有金雞下九重

上林郵館次舍弟韻

虛明咫尺戴天神  
誠格冥冥便感人  
數日離中情罔  
極歸期何忍指明春



頭上昭昭白日明  
盈虛消息與時行  
聖朝雨露霑  
應遍枯木逢春亦自榮

懶川次人言弟韻

漠漠長空鴈去遲  
悠悠襟抱有誰知  
憑高一灑思親  
淚天際愁雲滿眼悲  
清時流落遠投之  
感汝焚香夜禱天  
冥佑不違天可  
必歸來戲彩一樽前

碧蹄郵舍書

夢魂夜夜繞涼山  
鶴髮依依慘滿顏  
覺來身卧千峯  
外驚起開窓不禁潛

登鳳山嶺

登高南望一潸然  
萬疊山遮路幾千  
天際白雲猶不  
見回瞻西北更無邊

積學平生慕聖賢  
志存忠孝不違天  
如今皓首遭時  
蹇俯仰猶能意浩然

江城書示姪敬伯

離家三見月成鈎  
魂夢飛馳不暫休  
死侍慈顏猶昔  
日忽驚霜鬢卧窮陬  
情懷似涉漫漫海  
身世如乘泛泛舟  
日迫西山無盡恨  
愧無誠孝格玄幽

至日得古句足成一律寓懷



窮涯陰盡一陽回  
謫客愁邊喜復來  
子半天心元不改  
宮中葭管已飛灰  
岸容帶臘將舒柳  
山意春欲放梅觀物難禁憶  
桑梓樂天安土且怡懷

至日不寐

邊城至日卧窮廬  
心折潛然憶倚閭  
無術可消愁萬斛  
靜虛猶得片時除

至日窮愁愁更亂  
旅窓燈暗怨長宵  
羈愁只願如庭雪  
天暖春回便盡消

絕徼陽回尚未歸  
北堂霜髮慘誰依  
殘年無計相為命  
懷痛窮天血染衣

次敬伯路中韻

忠孝俱虧性命餘  
彼蒼悠漠竟何如  
窮邊半夜明殘燭  
憶弟思親淚滿裾

南望桑鄉隔萬山  
只憑魂夢見慈顏  
覺來霜月明窓外  
周極情懷說亦難

一片丹衷貫天日  
分明臨照竟何其  
窮涯俯仰猶無怍  
只有看雲見月悲

山重路屈歷嶽峯  
回首南天痛轉深  
夜夜夢魂尋鶴髮  
旅窓難禁涕淋淋

憐汝遠隨冒險難  
間關千里值窮寒  
相依一室同酸



苦生死魅鄉共肺肝

殘年值也寒客路更崎嶇一身由正直萬死耻浮沉  
戀闕丹心破思親血淚淋至誠應上格天日自昭臨

旅窓聞笛

窮荒歲暮慘風煙燈盡寒窓夜似年一聲羌笛來何  
處雪滿千山月滿天

中宗諱日泣書

諱日如今已度三孤臣絕徼涕霑衫從容經愜今難  
再是日年年痛不堪

賓天已遠香難攀白首累臣運命艱 聖語丁寧猶

在髓憶曾清燕侍 龍顏

夢驚悲痛

歲晚離親卧塞垣魂馳夜夜省寒温依依鶴髮高堂  
畔驚起呼燈拭淚痕

殘年遠別白頭親千里儀容入夢頻魂斷此時懷罔  
極潛心惟祝彼云仁

夢省貨闈欲供旨味忽覺不勝悲痛

窮取千里隔家山夢裏依然鶴髮顏欲獻旨甘留寢  
側忽驚身卧塞垣寒

天涯見月幾霜衣魂夢頻馳省寢闈驚起籲天天漢



漠自嗟誠未格玄微

南望千山復萬山只憑魂夢見慈顏覺來驚起儀刑  
隔寂寞寒窓曉月殘

聞敬伯彈琴

幽窓寂寞夜三更一曲我洋慰客情為語不須成妙  
手妙來從古誤生平

哭同年趙子實

北來時趙為利州倅慰別甚  
歎未久聞訃驚悼趙名世英

故舊如今有幾人相知渾作白頭新多君不改平生  
款慰我偏殊薄俗頓絕欲難忘臨別語知心猶惜遠  
投身窮陬此日空揮淚握手開襟豈有因趙以元城

絕欲為勉故及之

夢覺悲慟立春後

歲盡窮陬勞夢魂依稀歡侍土堂萱未供菽水還驚  
覺皓首無由報母恩

寒宵好夢見慈顏又得平書感涕潛天道如今已回  
泰母兒何日得同歡

除日得古句足成一律書示敬伯

雲暗邊城暮燈殘草屋貧一年將盡夜萬里未歸人  
淡染雞林葉魂消鴨水濱衰年驚遠別鶴髮又添春

得舍弟子容書戊申



塞外家書抵萬金開緘不覺涕零襟望雲每恨千岑  
隔見月偏傷兩地心皓首無緣酬罔極丹衷惟恃有  
昭臨萬山春雪消將盡何日斑衣戲故林

早春書悶

憶弟看雲悲暮景思親見月泣清宵春回旅夢猶多  
吉知有天恩下九霄

夢罷悲痛

夢裏歸家省寢闈手摩肌體引衾衣覺來肝膈如焚  
烈身滯窮荒不大會飛

次舍弟韻

籲天訴懇激中心道阻無方可展襟鶴髮昏忘猶自  
慰鴿原情急痛難任時子容欲陳疏訴得書以止之

夢驚

歸省萱闈夢忽驚儀容遠恨不分明中宵魂斷潛揮  
淚起視蒼空轉杳冥

先公諱日書示敬伯

慘淡邊城二月春諱辰今遇鴨江濱長懷風樹終天  
痛又值雲雷一世屯家廟薦羞誰共拜窮廬薄奠獨  
霑巾平生忠孝難酬志既負明君又負親

次舍弟韻



衰年遠別各西東，鴈斷魚沉思不窮。  
殘雪異鄉春欲暮，愁魂中夜夢還空。  
丹心破盡君臣隔，白首何時母子同。  
見月難消千里恨，回頭心折五雲重。

春晚遣悶

煙景依稀似故園，朝昏召恨對前村。  
春殘異域歸心絕，柳綠花紅總斷魂。  
前山松柏翠沉沉，春晚邊城客恨深。  
遙想故園花落盡，題詩難寫未歸心。

次仁風樓韻

憂國三朝白首餘，平生忠孝盡歸虛。  
山重絕塞多雲

霧天遠寒江少，鴈魚衰淚幾看邊。  
月灑愁眉那傍故山舒，依依鶴髮高堂畔。  
魂夢連宵繞舊居。

端午日書懷

節屆端陽萬物輝，一身憔悴此時違。  
宮衣憶昨露恩賜，容髮如今墮晚暉。  
宿草難禁感霜露，殘年無計奉庭闈。  
平生忠孝今俱闕，異域風煙舉眼非。

次樓韻

月色半庭白，松濤十里聞。  
窮陬稀過鴈，愁眼望歸雲。  
山暗天猶碧，蟲鳴夜欲分。  
歸期渺無際，橫笛羨從軍。

國諱日泣書



憶昔春坊侍講筵，雍容論討極心天。贈言最激分符日，睿獎偏承夢弼年。千載休期歸寤寐，九霄龍馭隔雲煙。臣民是日同推慕，白首壘臣倍泫然。

次金教授留別韻

擬將斯道輔明王，皓首無階望日光。慕古只思禪聖學，披襟寧復獻治綱。寵榮曾誤慚叨冒，忠孝如今墮渺茫。身世浮雲何足念，愛君惟願有豐祥。聖澤如天萬物光，小臣愚暗自迷方。化工並育枯樗散，春意無情病柳僵。鶴髮未將眇淚眼，丹心無路徹宮蒼。今朝別恨那堪說，君向長安我魅鄉。

見用寄舍弟

鴈行分散各西東，見月相思恨不窮。霽色不宵千里共，清光何日一尊同。煙消絕塞明霜髮，雲歛江鄉照慘容。秋到不禁揮客淚，想應兼照北堂中。

夢見慈顏忽憶少時山，栖絕句錄以寓無涯之痛。

幽栖半月曠晨昏，十里青山望白雲。千里渺如千里

遠此身寧向利名奔

余自少遊學四方，每違親側及長，又廢薄官，離曠居多，以貽鶴

髮倚閭之愁，今乃至此，追思平生罪過，悔無及矣。悲悔難禁。

誠敬吟



兩儀中自一身分形似塵埃跡似雲榮辱死生渾一  
視只存誠敬事天君

別舍弟子客還鄉 辛亥仲秋

慘聞管輅度五秋寸心摧裂曷時休三觴彩舞今難  
再一哭荒丘亦靡由歲晚更添霜露感魂馳不覺道  
途脩憑君遙寄天涯淚灑向空山薦酒羞  
旅鴈何時更著竹客愁今復激離腸三春虛墓顏餘  
黑萬死投荒髮欲黃血淚何期灑宿草丹衷無路徹  
空蒼人間得喪都歸命此別茫茫涕自滂  
相逢絕徼各瞞然五載情懷痛極矣扶病間關經險

路順時消息保殘年攝生只願言談慎知命惟思道  
義全秋晚寒垣添別恨萬山回首暗風煙  
已將身世擬浮雲得喪黃梁亦足云只保天真存浩  
體肯教心境雜塵紛慘懷幾歲遙相憶歸棹今朝不  
忍分唯有月輪千里共寒光來照鴨江濱  
秋山慘眼欲黃昏佇立寒簷更斷魂調病攝生君自  
勉樂天安土我何言

送韓宗善之任碧潼

羈心倚惠政皓首感深仁恩荷丘山重情如骨肉親  
離程愁晚景歸路好芳春五雲勞望眼臨別更霑巾



送張國卿之任義州 癸丑閏三月

投荒已七載邊徼又殘春  
戀關丹心破思鄉宿草新  
白頭揮慘淚朱紱遇深仁  
孟杓開襟日知公厚意真

又

半生迷宦海客路識仁人  
天遠愁孤鴈川長寄酒鱗  
逢黃知有數借冠歎無因  
客裏春愁亂還添別恨新

拾遺

五言律詩

到烏嶺吟寄舍弟 癸未三月

辭親今幾夕踰嶺轉聞關  
長谷風塵暗陰崖冰雪頑

南遊春色早北望暮雲寒  
道路身將老羈愁忽萬端

又

鄉關海東畔擡眼但雲山  
荆樹花分草堂淚滿顏  
長途愁鬢亂何日舞文斑  
侍側君猶在春風好奉歡

奉呈李府尹 賢輔

早懷經濟志難禁狄公思  
積慶全誰比純誠古亦稀  
只求酬素願何恨屈明時  
勝事花山宴人間豈易為

又

養志難投笏晨昏煩夢思  
真誠終始一避福古今稀  
榮慶雖高世經綸未展時  
三槐已庭植不必自身為



病中送許南仲赴燕京

風範超塵俗襟期邁古人  
天庭儀彩鳳異域識祥麟  
楓路多擡眼霜天慎攝身  
離程蕭管閑衰病獨傷神

七言律詩

次忘機堂韻

昨奉惠寄高韻玩而復之不能自休敢用無拙聊報賜教之意

一元潛轉自穹昊百物敷榮驗得春  
去地何從著功

迹見天須識粲星辰  
雙眸有力窮遐邇  
萬象無緣遁

偽真鉛錫點金殊  
不辨堪嗟多誤世  
間人

大本明知出上是  
潛心到處驗秋春  
中和雖似有實

主動靜周流無定辰  
體察工夫終是實  
空虛論說竟

非真身居天地難  
違物為道如何却  
遠人

不須游目入空昊  
滿地青紅盡是春  
沂上難禁吐朗

詠泗濱誰識管良辰  
千波極望涵孤月  
萬景彌觀渾

一真堪歎役神空  
寂裏未聞斯道不  
離人

獨奉天君送大功  
八蠻無礙九夷通  
城隍共見匝千

里宮闕難知幾萬重  
宗廟之中備百禮  
千官班上雜

羣蹤若推明德徹  
遐邇四海波恬無  
烈風

天真須向有形融  
物我精粗自貫通  
若見百川流不

息便知滄海浩無窮  
家家日出喧雞犬  
處處春深遍



白紅景致千般誰是主閑居今古太虛翁斯道至大

洪纖巨細無一不具於其中若但見宮牆之高內有宗廟百官之富而不知宗廟之內又有許多節文儀章百官之中又有千般萬樣等級法令則無以盡道之精微矣但見滄海之大為無窮而不知百川之流晝夜混混無非一物之不息則亦或蔽於見大而遺小之病故於此及之

送玉堂金正字義貞時罷在林泉

嶺外風烟偶共遊離愁段段暮江頭翱翔瑞世君如

鳳浩蕩忘機我似鷗彩舞南洲春正富丹心北闕

歲驚迺道朝天若賜蒼生問饑癘連年太半流

挽曹府尹漢弼

始聞初政憫窮民豈料沉痾未去身藥裏許分蘇病

老手書珍重慰閑人憂分北闕心猶在夢斷南柯

迹已陳直節英風無復見為民為國一沾巾

送李季雅按嶺南辛丑秋

仲屈由天惟道親行歲無意與時偕十年山澤經綸

志一夕襟抱咫尺開暫綴鸚斑澄海嶠行遠鸞殿作

鹽梅年侵民命將泥土拯溺須憑濟世才

嶺南風習最厓淳宣化欣逢有脚春士失講修思振

德民罹荒饑望霽仁咨詢款款窮炎海魂夢依依繞

紫宸是日送行頻我淚倚闕霜髮在天根

挽李訓導族文



去年臨慰石泉間談笑聊陪半日歡把酒對山開款  
烟流觴竟日弄潺湲依依懷抱十年事耿耿殘燈半  
夜寒此會杳茫渾似夢憶公何處更承顏

次比安樓上韻

戊戌七月十五日到比安患  
腫十八日呈辭以病久留

衰年愧負故山期客裏登樓強賦詩有慕軒轅嗟已  
遠勞形塵土覺非宜病添長路悲秋日愁絕虛窓半  
夜時更向靜中聊點檢幽懷唯有月相知  
素髮青雲詎敢期秋愁病裏半成詩一庭花竹閑相  
對十里煙嵐晚更宜眼爲思親多感物心緣憂國少  
歡時憑闌夜久山銜月耿耿襟懷只自知

次東軒韻

坐對屏山似卧龍依依煙樹擁官墉  
映階舞月雜雙栢夾路迎風老萬松  
佳境重來驚鬢雪高樓昔日戰談鋒  
江湖十載憂君意近侍還慚欠一封

七言絕句

奉送府尹許敬之還洛

祥鸞那得久棲荆百里空勤借寇情  
公上九天施雨露任教踈懶樂巖耕

登詠歸亭

半歲塵籠困病軀登程今日喜提壺  
江山渾是平生



舊襟抱何曾昔日殊

次龍宮樓上韻

病客逢秋尚未閑自嗟虛老道途間憑闌半日聊吟  
賞華髮蕭蕭映碧山

境靜令人心亦閑如何役役百年間樓頭迥立添歸  
思遙指白雲山外山

次韻贈別

高樓迥隔俗塵侵數曲我洋古意深秋入邊城君更  
遠題詩難盡去留心

客窓秋氣鬢邊侵話舊還兼別意深款款盃尊今日

事悠悠離合十年心

五言排律

松堂挽詞

天不喪斯文東隅尚有人淵源尤有自英邁又超倫  
軒冕浮雲外吟哦逝水濱窮探極邁妙高步入真純  
風月無邊境乾坤滿眼春一源觀浩渺萬物摠熙淳  
幽討書千卷清歡酒一樽活人憑藥餌醫國秘經綸  
遲暮時逢泰風雲道更屯丹心天北極素髮海東濱  
未展陶鎔手寧同鬢鏤臣有言傳士類無福嘆生民  
愚魯蒙會擊乖離久未親德容時暫接嘉訓聽難頻



村墅逢殊欵山堂會有因塵懷還跼踏良約竟矛盾  
一別儀刑隔平生悔恨新忽聞仙路遠長慟大論湮  
妙絃從此絕幽抱向誰陳秋晚南行路三杯但濕巾

海齋先生集卷之四

考異

卷二

次王先生哭文丞相韻

三百宗坊輸海窟一

留取古今知一秋聲 一作秋懷四五冬初 一作黃葉

作贊日鬼神知 秋聲 一作煙嵐 無為 對一作樂時長 溪

作草木感物 唯有一 作煙嵐 無為 對一作樂時長 溪

亭 傍林一作傍簷 樂天 無終極 一作無窮 獨

卷三

永州客館書示主人

賓天杳杳一作鼎湖雲

悲仁宗挽章 寧復日一作已無路空作

卷四

上林郵館

道冥冥亦感人 江城書示敬伯 一日迫西山無盡恨



開襟	新君	眼攝	獨易	悲痛	用底
襟	君	身	在	痛	底
日	自	塞	吾	身	次
一	一	垣	得	帶	敬
作	作	一	別	窮	伯
逐	宜	作	子	荒	韻
客	自	邊	容	不	天
人	我	城	還	奮	日
誰	何	慘	鄉	飛	自
記	一	眼	粹	一	昭
	作	一	各	微	臨
	又	作	一	次	格
	何	滿	作	舍	一
	送	共	境	弟	作
	張	一	前	韻	明
	國	一	得	自	日
	卿	一	一	自	照
	宿	一	作	自	應
	草	一	居	自	臨
		一	一	自	落
		一	一	自	夢
		一	一	自	罷
		一	一	自	

晦齋



